

四庫全書

集部

欽定四庫全書

集部

花草粹編卷十五

詳校官編修臣周璣

侍讀臣孫球覆勘

總校官檢討臣何思鈞

校對官助教臣石鴻膚

謄錄監生臣羅佑湘

欽定四庫全書

花草粹編卷十五

明 陳耀文 輯

中調

千秋歲

秦少游

柳邊沙外城郭輕寒退花影亂鶯聲碎飄零踈酒盞離
別寬衣帶人不見碧雲暮合空相對憶昔西池會鴛
鴦同飛蓋攜手處今誰在日邊清夢斷鏡裏朱顏改春

去也落紅萬點愁如海

崔徽頭子

洪思禹冷齋

半身屏外睡覺唇紅退春思亂芳心碎空餘簪髻玉不
見流蘇帶誰與問今人秀整誰宜對湘浦曾同會手寒
輕羅葢疑是夢今猶在十分春易盡一點情難改多少
事却隨恨遠連雲海

弔少游

山谷

苑邊花外記得同朝退飛騎輒鳴珂碎齊歌雲繞扇趙

舞風回帶嚴鼓斷
盃盤狼籍猶相對
洒淚誰能會醉
卧藤陰蓋人已去
詞空在
兎園高宴悄
虎觀英遊改
重感慨波濤萬頃珠沉海

前調

李之儀

深秋庭院殘暑全消退
天幕迥雲容碎
地偏人罕到風
慘寒微帶初睡起
翩翩戲蝶飛成對
歎息誰能會猶
記逢傾蓋情暫遣
心常在
沈沈香信斷
冉冉光陰改
紅日晚仙山路隔空雲海

謝無逸

練花飄砌款款清香細梅雨過蘋風起情隨湘水遠夢
繞吳峯翠琴書倦鷓鴣喚起南牕睡 客意無人寄幽
恨憑誰洗脩竹畔疎簾裏歌餘塵拂扇舞罷風掀袂人散
後一鉤淡月天如水

竹坡

送春歸去說與愁無數君去後歸何處人應空懊恨春
亦無言語寒日暮騰騰醉夢隨風絮 盡日閒庭雨紅

濕秋千柱人恨切鶯聲苦擬傾澆悶酒留取殘紅樹春
去也不成不為愁人住

石孝友

春工領畧點破羣花夢對流景傷淪落踏青心緒懶病
酒情懷惡無奈處東風故故吹簾幕腕玉寬金約一
去音容邈魚與雁應難託從前多少事不忍思量着心
撩亂斜陽影在欄干角

二

金風玉宇庭院新經雨香有露清無暑溪光搖几席嵐
翠橫尊俎烘笑語佳時聊復鄉人聚門外荷花浦秋
到花無數紅鱸鯉青浮醕何妨文字飲更得江山助從
此去蒲輪入佐中興主

彭虛寮

重陽來未誰領黃花意斟玉醕歌金縷雲山籠瑞彩
風月鎔清氣北山頂壽星一點光無際六十今朝是甲
子從頭起堂堂去千千歲是非華表鶴深淺蓬萊水翁

不管年年先共黃花醉

永叔

數聲鶗鴂又報芳菲歇
惜春更把殘紅折
雨輕風色暴
梅子青時節
永豐柳無人盡日花飛雪
莫把絲絃撥
怨極絃能說
天不老情難絕
心似雙絲網
終有千千結
夜過也東方未白殘燈滅

連理枝

邵叔齊

淡泊疎離隔寂寞官橋側
綠萼青枝風塵外別是一般

姿質念天涯憔悴各飄零記初曾相識雪裏清寒逼
月下幽香襲不似薄情無憑一去音書難得看年年時
候不踰期報陽和消息

晏同叔

玉宇秋風至簾幕生涼氣朱槿又開紅蓮尚折芙蓉含
藥送舊巢歸燕拂高簾見梧桐葉墜家宴凌晨啟
金鴨風飄香細鳳竹鸞絲清歌妙舞盡呈遊藝願百千
遐壽比神仙有年年歲歲

二

綠樹鶯聲老金井生秋早不寒不暖裁衣按舊天時正
好況蘭堂逢着壽筵開見爐香縹緲組繡呈纖巧歌
舞誇妍妙玉酒頻傾朱絃翠管移宮易調獻金杯重疊
祝長生永逍遙奉道

佳人醉

相思

柳耆卿

暮景蕭蕭雨霽雲淡天高風細正月華如水金波銀漢
潏灩無際冷浸書帷夢斷却披衣重起臨軒砌素光

遙指因念素娥宵隔音塵何處相望同千里盡凝睂厭
厭無寐漸曉雕檻獨倚

西施

柳耆卿

自從回步百花橋便獨處清宵鳳衾鴛枕何事等閒拋
縱有餘香也似卽恩愛向日夜潛消 恐伊不信芳容
改將憔悴寫霜綃更憑錦字字字說情慘要識愁腸
但看丁香樹漸結盡春梢

二

亭蘿妖艷世難偕
善媚悅君懷
後庭恃愛寵盡使絕嫌
猜正恁朝歡暮宴情未足
早江上兵來
捧心調態軍
前死羅綺旋變塵埃
至今怨魂無主尚徘徊
夜夜姑蘇
城外當時月但空照荒臺

歸田樂引

水繞溪橋綠泛蘋汀步
迷花曲衣巾散餘馥
種竹更洗
竹詠竹題竹日暮無人伴
幽獨
光陰雙轉轂可惜許
等閒愁萬斛
世間種種只是榮和辱
念足又願足意足

心足忘了眉頭怎生蹙

山谷

暮雨濛濛砌漏漸移轉
添寂寞點點心如碎
怨你又戀你
恨你惜你畢竟教人怎生是
前歡笑未已奈何如
今愁無計為伊聰俊
銷得人憔悴
這裏銷魂裏
夢裏心裏一向無言但垂淚

小鎮西犯

春遊

柳耆卿

水鄉初禁火
青春未老芳菲滿
柳汀煙島波際紅幃縹

緲盡杯盤小歌後
袂聲聲諧楚調
路遼遠野橋新市
裏花穠妓好引遊人
競來懽笑酩酊誰家
年少信玉山倒家何處
落日眠芳草

三登樂

慶黃守

羅子衍

翰

過了元宵見七葉葢
又飛恰今朝卯宿降瑞
初度果生賢盡道丰姿
絕異翰林人物雲霄富貴
自棲鸞展驥迤邐黃堂
每登要路無留滯暫歸來
訪松竹趣裝行用濟增
崇福祿壽延千百歲

粉蝶兒

毛澤民

雪徧梅花素光都共奇絕到窓前認君時節下重幃香
篆冷蘭膏明滅夢悠揚空遠斷雲殘月沈郎帶寬同
心放開重結褪羅衣摩腰一捻正春風新着模花花葉
葉粉蝶兒這回共花同活

辛幼安

昨日春如十三女兒學繡一枝枝不教花瘦甚無情使
下得雨傷風慙向園林鋪作地衣紅皺而今春似輕

薄蕩子難久記前時送春歸後把春波都釀作一江醇
酌約清愁楊柳岸邊相候

離亭燕

孫浩然

一帶江山如畫風物向秋瀟灑水浸碧天何處斷霽色
冷光相射蓼嶼荻花洲掩映竹籬茅舍雲際客帆高
掛烟外酒旗低亞多少六朝興廢事盡入漁樵閒話悵
望倚層樓寒日無言西下

黃魯直

十載尊前談笑天祿故人年少可是陸沉英俊地看即
鎖窓批詔此處忽相逢潦倒禿翁同調西顧郎官湖
渺試看玉樓人小短艇絕江空悵望寄得詩來高妙夢
去倚君傍蝴蝶歸來清曉

惜奴嬌

史邦卿

香剝酥痕自昨夜春愁醒高情寄冰橋雪嶺試約黃昏
便不誤黃昏信人靜倩嬌娥留連秀影吟髻簪香已
斷了多情病年年待將春管領鏤月描雲不枉了閒心

性謾聽誰敢把紅兒比並

撼庭竹

王晉卿

綽畧青梅弄春色真艷態堪惜經年費盡東君力有情
先到探春客無語泣寒香時暗度瑤席月下風前空
悵望思攜手同摘畫欄倚遍無消息佳辰樂事再難得
還是夕陽天空暮雲凝碧

黃魯直

嗚咽南樓吹落梅聞鴉樹驚飛夢中相見不多時隔城

今夜也應知坐久水空碧山月影沉西
買箇宅兒住
着伊剛不肯相隨如今却被天嗔你永落雞羣受雞欺
空恁惡憐伊風日損花枝

遶池遊

雅詞

漸春工巧玉漏花深寒淺韶景變融晴蕙風暖都門十
二三五銀蟾光滿瑞煙葱蒨禁城闌苑
柵山雉扇絳
蠟交輝星漢神仙籍梨園奏絃管都人遊翫萬井山呼
歡忭歲歲天仗願瞻鳳輦

望梅花

蒲傳正

一陽初起暖力未勝寒氣堪賞素華長獨秀不並開紅
抽紫青帝只應憐潔白不使雷同衆卉 淡然難比粉
蝶豈知芳蕊半夜捲簾如乍失只在銀蟾影裏殘雪枝
頭君認取自有清香倚旒

二

寒梅堪羨堪羨輕苞展被天人製巧妝素艷羣芳皆賤
碎剪月華千片綴向瓊枝欲遍 小庭幽院雪月相交

無辨影玲瓏何處臨溪見謝家新宴別有清香風際轉
縹緲着人頭面

憶帝京

憶別

柳耆卿

薄衾小枕涼天氣乍覺別離滋味展轉數寒更起了還
重睡畢竟不成眠一夜長如歲也擬把却回征轡又
爭奈已成行計萬種思量多方開解只恁寂寞厭厭地
繫我一生心負你千行淚

慶壽

山谷

鳴鳩乳燕春閒暇化作綠陰槐
夏壽竿舞紅裳睡鴨飄香麝
醉此洛陽人佐郡深儒雅
況座上玉麟金馬更莫問鶯
老花謝萬里相依千金為壽
未厭玉燭傳清夜不醉欲言
歸笑殺高陽社

贈彈琵琶

薄粧小靨閒情素抱着琵琶凝佇慢撚復輕攏切切如私語
轉撥割來弦一段驚沙去萬里嫁烏孫公主對易水明妃不渡粉淚行行紅顏片片指下花落狂風雨借

問本師誰歛撥當曾住

前調

銀燭生花如紅豆占好事如今有人醉曲屏深借寶瑟
輕招手一陣白蘋風故滅燭教相就花帶雨水肌香
透恨啼鳥轆轤聲曉柳岸微涼吹殘酒斷腸人依舊鏡
中消瘦那人知後鎮把你來傷懣

隔浦蓮近拍

周美成

新篁搖動翠條曲徑通深窈窕果收新脆金丸落驚飛

鳥濃靄迷岸草蛙聲鬧驟雨鳴池沼水亭小
浮萍破處簾花簷影顛倒綸巾羽扇困卧北窓清曉屏裏吳山
夢自到驚覺依然身在江表

陸務觀

飛花如趁燕子直度簾櫳裏帳掩香雲暖金籠鸚鵡驚
起凝恨慵梳洗粧臺畔蘸粉纖纖指寶釵墜才醒又
困厭厭中酒滋味墻頭柳暗過盡一年春事
畫高樓怕獨倚千里孤舟何處烟水

趙德莊

西風吹斷夢草起來芙蓉老座上人誰在晨參踈影相
照幽館寒意悄簷聲小醉語秋屏曉記年少相携勝
處黃花香滿烏帽如今將見璧月瓊枝空好準擬新春
待見了不道些兒心事還惱

師師令

張子野

香鈿寶珥拂菱花如水學妝皆道稱時宜粉色有天然
春意蜀綵衣長勝未起縱亂雲垂地都城池苑誇桃

李問東風何似不須回扇障清歌唇一點小於朱藥正
值殘英和月墜寄此情千里

郭卽免近拍

遣懷

柳耆卿

帝里間居小曲深坊庭院沉沉朱戶閉新霽畏景天氣
薰風簾幙無人永晝厭厭如度歲愁瘁 枕簟微涼睡
久轉轉慵起硯席塵生新詩小閣等閒都盡廢這些免
寂寞情懷何事新來常恁地

傳言玉女

元上

晁叔用

一夜東風不見柳梢殘雪御樓烟煖對鰲山綵結簫鼓
向晚鳳輦初回宮闕千門燈火九街風月繡閣人人
乍嬉遊困又歇艷粧初試把珠簾半揭嬌羞向人手
撚玉梅低說相逢長是上元時節

雅詞

眉黛輕分慣學玉真梳掠艷容可畫那精神怎貌鮫綃
映玉鈿帶雙穿纓絡歌音清麗舞腰柔弱宴罷瑤池
御風跨皓鶴鳳凰臺上有蕭郎共約一面笑開向月斜

寒朱箔東園無限好花羞落

續骈體說云政和中袁甫為教坊判官撰文字一日為蔡京撰傳言玉女詞有淺淡梳粧愛學女真之語上見之改女真二字為漢宮而人莫解蓋當時已與女真盟於海上矣而中外未知帝思其語故竄易之也

曾純甫

鳳闕龍樓清夜月華初照萬點星毬護花梢寒峭華胥
夢裏老去歡情終少花愁醉悶總消除了紫陌嬉不
似少年懷抱珠簾十里聽笙簫聲杳幽期密約暗想淺

顰輕笑良時莫負玉山頻倒

河滿子

毛熙震

寂寞芳菲暗度歲華如箭堪驚
緬想舊歡多少事轉添
春思難平曲檻絲垂金柳小
窓絃斷銀箏深院空聞
燕語滿園閒落花輕一片
相思休不得忍教長日愁生
誰見夕陽孤夢覺來無限傷情

二

無語殘妝澹薄含羞
顰袂輕盈幾度香閨眠過
曉綺窓

疎日微明雲母帳中偷惜水精枕上初驚笑靨嫩疑
花折愁眉翠斂山橫相望只教添悵恨整鬟時見纖瓊
獨倚朱扉閒立誰知別有深情

陪杭州泛湖夜歸

張子野

溪女送花隨處沙鷗避樂分行遊舸已如圖障裏小屏
猶畫瀟湘人面新生酒艷日痕更欲春長衣上交枝
闌色釵頭比翼相雙片段落霞明水底風紋時動妝光
宿從夜歸無月千燈萬火河塘

前調

孫巨源

悵望浮生急景淒涼寶瑟餘音楚客多情偏怨別碧山
遠水登臨目送連天衰草夜闌幾處疎砧黃葉無風
自落秋雲不雨長陰天若有情天亦老搖搖幽恨難禁
惆悵舊歡如夢覺來無處追尋

杜壽域

柳嫩不禁搖動梅殘儘任飄零雨餘天氣來深院向陽
纖草重青寂寞小桃初綻兩三枝上紅英又見雲中

歸雁嗚嗚斷續和鳴年年依舊無情緒鎮長冷落銀屏
不語閒尋往事微風頻動簾旌

晏叔原

綠綺琴中心事齊紈扇上時光五陵年少渾薄倖輕如
曲水飄香夜夜魂銷夢缺年年淚盡啼湘歸鴈行邊
遠字驚鷺舞處離腸惹樓多少鉛華在從來錯倚紅妝
可羨鄰姬十五金釵早嫁王昌

百媚娘

張子野

珠閣五雲仙子未省有誰能似百媚笑應天乞與淨飾
艷粧俱美取次芳華俱可意何處無桃李 蜀被錦紋
鋪水不放綵鴛雙戲樂事也知存後會爭奈眼前心裏
綠皺小池紅疊砌花外東風起

臨江仙引

恨別

柳耆卿

渡口向晚來瘦馬陟崇岡西郊又送秋光對暮山橫翠
襯殘葉飄黃憑高念遠素景楚天無處不淒涼 香閨
別來無信息雲愁雨恨難忘指帝城歸路但煙水茫茫

凝情望斷淚眼盡日獨立斜陽

感別

前人

上國去客停飛蓋促離筵長安古道縣縣見岸花啼露
對堤柳愁煙物情人意向此觸目無處不凄然 醉擁
征驂猶竚立盈盈淚眼相看况繡幃人靜更山館春寒
今宵怎向漏水頭成兩處孤眠

隔簾聽

相思

柳耆卿

咫尺鳳令衣駕帳欲去無因到鰕鬚牽地重門悄認繡履

頻移洞房宵竇強語笑逞如簧再三輕巧
梳妝早
琵琶閒抱愛品相思調聲聲似把芳心告
隔簾聽贏得斷
腸多少恁煩惱除非共伊知道

長生樂

晏同叔

玉露金風月正圓
臺榭早涼天
畫堂佳會組繡列芳筵
洞府星辰龜鶴來添
福壽歡聲喜色同入金爐泛濃烟
清歌妙舞急管繁絃
榴花滿酌觥船人盡祝富貴又
長年莫教紅日西晚
留着醉神仙

越溪春

永叔

三月十三寒食日春色遍天涯越溪閨苑繁華地傍禁
垣珠翠烟霞紅粉牆頭鞦韆影裏臨水人家歸來晚
駐香車銀箭透窓紗有時三點兩點雨霽朱門柳細風
斜沉麝不燒金鴨玲瓏月照梨花

瑞雲濃

楊無咎

睽離謾久年華誰信曾換依舊當時似花面幽懽小會
記永夜杯行無筭醉裏屢忘歸任虛簷月轉能變新

聲隨語意悲歡感怨可更餘音寄羌管倦游江淞問似
伊阿誰曾見度已無腸為伊可斷

枕屏兒

江國春來留得素英肯住月籠香風弄粉詩人盡許酥
蕊嫩檀心小不禁風雨須東君與他做主繁杏夭桃
顏色淺深難駐奈芳容全不稱冰姿伴侶水亭邊山驛
畔一枝風措十分似那人人淡佇

番槍子

韓玉溫甫

東蒲詞

莫把團扇雙鸞隔。要看玉溪頭。春風客妙處。風骨滿閑。
翠羅金縷。瘦宜窄。轉面兩眉攢。青山色。到此月想精。
神。花似秀質。待與不清狂。如何得。奈何難駐。朝雲易成。
春夢恨。又積送上。七香車。春草碧。

下水船

賀方回

芳草青門路。還拂京塵東去。面想當年離聲送。君南浦。
愁幾許。樽酒留連薄暮。簾捲津樓烟雨。凭欄語。草草。
蘼皋賦。分首驚鴻不駐。燈火虹橋難尋弄。波微步。凝。

佇莫怨無情流水明日扁舟何處

廖明畧妓田氏

晁無咎

改齋漫錄

上客驪駒繫驚喚銀瓶睡起困倚粧臺盈盈正解螺髻
鳳釵墜繚繞金盤玉指巫山一段雲委半窺鏡向我
橫秋水斜領花枝交頸裏淡拂鉛華匆匆自整羅綺斂
眉翠雖有悵悵密意空作江邊解珮

碧牡丹

晏同叔出姬

張子野

步帳推紅綺曉月墮沉烟砌緩板香檀唱徹伊家新製

怨入眉頭斂黛峯橫翠芭蕉寒雨聲碎
鏡華翳閒照孤鸞戲思量去時容易鈿合瑤釵至今冷落輕棄望
極藍橋但暮雲千里幾重山幾重水

道山清話云晏文獻為京兆辟張先為通判新納侍
兒公甚屬意先能為詩詞公雅重之每張來即令侍
兒出侑觴往往歌子野所為之詞其後王夫人寢不
容公即出之一日子野至公與之飲子野作此詞令
管妓歌之至末句公聞之憮然曰人生行樂耳何自
苦如此亟命於宅庫支錢若干復取前所出侍兒既
來夫人亦不復誰何也

晏叔原

翠袖踈紈扇涼葉催歸燕一夜西風幾處傷高懷遠細
菊枝頭開嫩香還徧月痕依舊庭院事何限悵望秋
意晚離人鬢華將換靜憶天涯路比此情還短試約鸞
牋傳素期良願南雲應有新鴈

程正伯

睡起情無著曉雨盡春寒弱酒盞飄零幾日頭踈行樂
試數花枝問此情何若為誰開為誰落正愁却不是
花情薄花無笑人蕭索舊觀千紅至今冷夢難托燕麥

春風更幾人驚覺對花羞為花惡

千年調

辛幼安

卮酒向人時和氣先傾倒最要然然可萬事稱好滑
稽坐上更對鴟夷笑寒與熱揔隨人耳國老少年使
酒出口人嫌拗此箇和合道理近日方曉學人言語未
會十分巧看他門得人憐秦吉了

並珠閑

趙德莊

浦雲融梅風斷碧水無情輕度有嬌黃上林梢向春欲

舞綠煙迷晝淺寒欺暮不勝小樓凝佇倦遊處故人
相見易阻花事從今堪數片帆無恙好在一篙新雨醉
袍宮錦畫羅金縷莫教恨傳幽句

解蹀躞

周美成

候館丹楓吹盡面旋隨風舞夜寒霜月飛來伴孤旅還
是獨擁秋衾夢餘酒困都醒滿懷離苦甚情緒深念
凌波微步幽房暗相遇淚珠都作秋宵枕前雨此恨音
驛難通待憑征鴈歸時帶將愁去

楊補之

迤邐韶華將半桃杏勻於染又還撩撥春心倍悽黯準
擬劇飲狂吟可憐無復當年酒腸文膽倦遊覽顚顚
羞鸞鏡眉端為誰斂可堪風雨無情暗亭檻觸目千點
飛紅問春爭得春愁也隨春減

春草碧

完顏瑜

密同公

幾番風雨西城陌不見海棠紅梨花白底事勝賞匆匆
政自天付酒腸窄更笑老東君人間客賴有玉管新

翻羅襟醉墨望中倚闌人如曾識舊夢回首何堪故苑
春光又陳迹落盡後庭花春草碧

有感

李欽叔

紫簫吹破黃州月款款小梅花飄香雪寂寞花底風鬟
顏色如花命如葉千里浣凝塵凌波襪心事鑑影鸞
孤筇絃鴈絕舊時雪堂人今華髮斷腸金縷新聲杯深
不覺琉璃滑醉夢遶南雲花上蝶

訴衷情近

秋思

柳耆卿

雨晴氣爽竚立江樓望處澄明遠水生光重疊暮山聳
翠遙想斷橋幽徑隱隱漁村向晚孤煙起殘陽裏脉
脉朱闌靜倚黯然情緒未飲先如醉愁無際暮雲過了
秋風老盡故人千里竟日空凝睇

首夏

景闌晝永漸入清和氣序榆錢飄滿閒堦蓮葉嫩生翠
沼遙望水邊幽徑山崦孤村是處園林好閒情悄綺陌
遊人漸少少年風韻自覺隨春老追前好帝城信阻天

涯目斷暮雲芳草竚立空殘照

別銀燈

新

柳耆卿

何事春工用意繡畫出萬紅千翠艷杏夭桃垂楊芳草
各闌雨膏烟膩如斯佳致早晚是讀書天氣 漸漸園
林明媚便好安排歡計論簾買花盈車載酒百琲千金
邊妓何妨沉醉有人伴日高春睡

杜壽域

夜永衾寒夢覺翠屏共繡幃燈照就枕思量離多會

少孤負小歡輕笑風流爭表空惹盡一生煩惱 寫遍
香牋分割鱗翼路遙難到淚眼愁腸朝朝暮暮去便
不知音耗終須拚了別選箇如伊才調

二

好事爭如不遇可惜許多情相誤月下風前偷期竊會
共把衷腸分付尤雲殢雨正繾綣朝朝暮暮 無奈
別離情緒和酒病雙眉長聚往事淒涼佳音迢遞似此
因緣誰做洞雲深處暗回首落花飛絮

毛澤民

簾下風光自足春到席間屏曲瑤甃酥融羽觴蟻鬪花
映鄴湖寒綠汨羅愁獨又何似紅圍翠簇聚散悲歡
箭速不易一杯相屬頻剔銀燈別聽牙板尚有龍骨堪
續羅熏綉馥錦瑟畔低迷醉玉

與歐陽永叔分題

范希文

中吳紀聞

昨夜因看蜀志笑曹操孫權劉備用盡機關徒勞心力
只得三分天地屈指細尋思爭如共劉伶一醉人世

都無百歲少癡騃老成尪悴只有中間些子少年忍把
浮名牽繫一品與千金問白髮如何迴避

慶生第五子

袁長吉

古來五子伊誰有唐室五王稱首竇氏五龍柳家五馬
西晉室陶家五柳英名不朽更東漢馬良並秀 君今
也五男還又應是五星孕就腹笥五經身膺五福指日
繼五侯之後箇般非偶好與醉劉伶五斗

望月婆羅門引

楊如晦

漲雲暮捲漏聲不到小簾櫳
銀河淡掃澄空皓月當軒
高挂秋入廣寒宮正金波不動桂影朦朧
佳人未逢
悵此夕與誰同望遠傷懷對景霜滿秋紅
南樓何處想
人在長笛一聲中凝淚眼立盡西風

望月

元遺山

天機餘錦

素蟾散彩九秋風露發清妍
嫦娥儘有情緣留著三五
盈盈永夜照憑肩看晚妝臨鏡若箇嬋娟
尋常月圓
恨都向此時偏幾度郵亭枕上野店尊前
珠明玉秀筭

一日相看一日仙人共月長似今年

前調

段成已

東風嫋嫋飛花一片點苔衣等閒耗損香霏春去春來
無跡靜裏幾人知問沈郎何事帶減腰圍功名願違
筭此計未應非刺把閒愁殢酒幽興裁詩溪山好在恨
眼中渺渺故人稀回首處清淚如絲

嚴仁

花明柳暗一天春色統朱樓斷鴻聲喚人愁欲問歸鴻

何處身世自悠悠正東風留滯楚尾吳頭
追思舊遊嘆雙鬢颯驚秋可惜等閒孤了酒
令花籌斷絃難續漫題詩分付水東流流不
到蓬島瀛洲

風入松

于國寶

一春長費買花錢日日醉湖邊玉驄慣識
西湖路驕嘶過沽酒樓前紅杏香中簫鼓綠
楊影裏鞦韆暖風十里麗人天花壓髻雲偏
畫船載得春歸去餘情付湖水湖煙明日重
扶殘醉來尋陌上花鈿

廣陵元夜病中有感

東風巷陌暮寒驕。燈火闌河橋。勝遊憶徧錢塘夜，青鸞
遠信，斷難招。蕙草情隨雪盡，梨花夢與雲銷。客懷先
自病。無聊綠酒，員金蕉。下幃獨擁香篝。睡春城外，玉露
聲遙。可惜滿街明月，更無人為吹簫。

前調

周少隱

禁烟過後落花天。無奈輕寒東風。不管春歸去，共殘紅飛
上秋千。看盡天涯芳草，春愁堆在闌干。楚江橫，斷夕

陽邊無限春烟舊時雲去今何處山無數柳漲平川與
問風前回鴈甚時吹過江南

二

曉來涼氣滿芙蓉日到竹陰東稱觴歌袖三千指屏星
畔遶綠圍紅茱糝百杯秋色桂華十里西風生朝對
飲菊花叢九日一樽同文章散向家聲舊便應去黃閣
從容喚起仙翁為壽種成千歲椿松

晏叔原

柳陰庭院杏梢墻依舊
平陽鳳簫已遠青樓在水沈煙
煖煎香臨鏡舞鸞離照倚箏飛鴈辭行
墜鞭人去自
淒涼淚眼愁腸斷雲殘雨當年事到如今幾處難忘兩
袖曉風花陌一簾夜月蘭堂

康伯可

一宵風雨送春歸
綠暗紅稀畫樓整日無人到與誰同
撚花枝門外薔薇開也枝頭梅子酸時
玉人應是數
歸期翠斂愁眉塞鴻不到雙魚遠
嘆樓前流水難西

新恨欲題紅葉東風滿院花飛

荔枝香

柳耆卿

甚處尋芳賞翠歸去晚緩步羅韉生塵來遶瓊筵看金
縷霞衣輕褪似覺春遊倦遙認衆裏盈盈好身段擬
回首又竚立簾幙畔素臉紅妝時揭蓋頭微見笑整金
翹一點芳心在嬌眼王孫空恁腸斷

周美成

照水殘紅零亂風掀去盡日惻惻輕寒簾底吹香霧黃

昏客枕無聊細響當窗雨看兩兩相依燕新乳樓下
水漸綠遍行舟浦暮往朝來心逐片帆輕舉何日迎門
小檻朱籠報鸚鵡共剪西窗蜜炬

于飛樂

毛澤民

記牘牘濃睡裏一片行雲未許時夢破雲驚聽轆轤
聲斷也井底銀瓶不如羅帶等閒便結得同心繫畫
船楊柳岸曉月亭亭記陽關斷韻殘聲被西風吹玉枕
酒醒還清有此言語獨自箇說與誰應

二

並梅兄雙蝶子烟縷衫輕鳳凰釵繚繞香雲淡梳妝得
儘雪膩酥勻揉春捻就更是他花與精神黛尖低挑
夢破微笑輕顰早做成役夢勞魂好風前佳月下莫忘
行人扁舟去也沒箇事多樣離情

晏叔原

曉日當簾睡痕猶占香腮輕盈笑倚鸞臺暈殘紅勻宿
翠滿鏡花開嬌嬋鬢畔揀一枝淡蕊踈梅每到春深

多愁饒恨妝成懶下香階意中人從別後縈繫情懷良
辰好景相思字喚不歸來

史達祖

綺翼鷓鴣問誰常借春陂生愁近渚風微紫山深金殿
暖日暮同歸白頭相守情雖定事却難期帶恨飛來
烟埋秦草年年枉夢紅衣舊沙間香頸冷合是單棲終
將怨魄何年化連理芳枝

應景樂

蕭回

金陵故國極目長江浩渺千重隔山無際臨濡怒濤積
俯春城葦寂芳晝迤邐一族烟村將晚嚴光舊臺側
何處舊遊客對此景惹起離愁頓覺舊日意魂黯愁積
幽恨綿綿何計消溺回首洛東千里

春聲碎

譚明之翰

津館貯輕寒脉脉離情如水東風不管垂楊無力總雨
顰烟鎖闌干外怕春燕掠天疏鼓疊春色碎 劉郎易
憔悴况是厭厭病起花牋謾展便寫就新詞倩誰將寄

當此際渾似夢蛺蝶啼鵲一寸相思意

祝英臺近

惜別

東坡

掛輕帆飛急槳還過釣臺路酒病無聊歌枕聽鳴榔斷
腸簇簇雲山重重煙樹回首望孤城何處 間離阻誰
念縈損襄王何曾夢雲雨舊恨前歡心事兩無據要知
欲見無由癡心猶自倩人道一聲傳語

蔣捷

柳邊樓花下館低捲綉簾半簾外天絲擾擾似情亂知

他蛾綠纖眉鵲黃小袖在何處閒游閒翫 最堪嘆筆
面一寸塵深玉柱網斜鴈譜字紅鸞剪燭記同看幾回
傳語東風將愁吹去怎奈向東風不管

趙德莊

獸金寒簾玉潤梅雪印苔絮春意如人易散苦難聚幾
多綠竹深情池塘幽夢猶倚賴與君同住 舊游處誰
喚別浦仙帆風前問征路煙雨連江吹恨正無數莫教
紫燕歸來紅雲開後空悵望主人輕去

晚春

程正伯

墜紅輕濃綠潤深院又春晚睡起懨懨無語小粧嬾可
堪三月風光五更魂夢又都被杜鵑催儻怎消遣人
道愁與春歸春歸愁未斷閒倚銀屏羞怕淚痕滿腸斷
沉水重熏瑤琴閒理奈依舊夜寒人遠

前調

辛幼安

寶釵分桃葉渡烟柳暗南浦陌上層樓十日九風雨斷
腸點點飛紅都無人管倩誰喚流鶯聲住鬢邊覩試
欽定四庫全書

把花卜歸期繞簪又重數羅帳燈昏哽噎夢中語是他
春帶愁來春歸何處却不解帶將愁去

盧川

枕霞紅釵燕墜花露殘雲髻粉淡香殘猶帶宿醒睡面
簷紅日三竿慵窺鸞鑑長是倚風春無力又經歲玉
腕條脫輕鬆羞即見憔悴何事秋來容易又分袂可堪
踈雨梧桐空堦絡緯背人處偷彈珠泪

呂聖求

寶蟾明朱閣靜新燕近簷語還記元宵燈火小橋路逢
迎春筍柔微凌波纖穩怕不顧斗斜三鼓甚無據誰
信一霎春愁鶯聲留不住柳色苔痕風雨暗花圓細
看羅帶銀鈎綃巾香泪笑不枉那時分付

史邦卿

柳枝愁挑葉恨前事怕重記紅藥開時新夢又添消此
情老去須休春風多事便老去越難迴避阻幽會應
念偷剪酴醾柔條暗縈繫節物移人春暮更顚顚可堪

竹院題詩薛堦聽雨寸心外安愁無地

北固亭

岳珂

澹烟橫層霧歛勝槩分雄占月下鳴榔風急怒濤颭關
河無限清愁不堪臨鑑正雙鬢秋風塵染漫登覽極
目萬里沙場事業頻看劍古往今來南北限天塹倚樓
誰弄新聲重城正掩歷歷數西州更點

憶別

海棠開花影下憶得舊遊戲恰似驂鸞同在彩雲裏夢

回雨散雲收匆匆歸去一枕乍驚殘春睡甚情味人
去花已飄零餘香半憔悴點點飛紅都是去時淚可堪
冷落黃昏瀟瀟微雨斷魂處朱闌獨倚

前調

吳淑姬

粉痕銷音信斷好夢又無據病酒無聊歌枕聽殘雨斷
腸曲曲屏山溫溫沉水盡是舊看承人處久離阻誰
念一點芳心閒愁知幾許偷照菱花清瘦自羞覩可堪
梅子酸時楊花飛盡亂鶯鬧催春歸去

別李澤之諸友

戴式之

泛杭州臨塵水幾日共游戲歌笑開懷酒醒又還醉奈
何一旦分携連宵風雨剪不斷客愁千里水雲際遙
望一片飛鴻苦是失羣地滿眼春風管甚閒桃李此行
歸老家山相逢難又但一味相思而已

德祐乙亥

太學生

湖海新聞

倚危欄斜日暮鷺鷥甚情緒
柳初嬌黃太后全未禁風

雨春江萬里雲濤扁舟飛渡
北軍至那更塞鴻無數
民

歎離阻有恨落天涯誰念孤旅滿目風塵冉冉如飛霧是
何人惹愁來賈出那人何處賈去怎知道愁來又愁去

撲蝴蝶

茗溪漁隱

煙條雨葉綠遍江南岸思歸倦客尋芳來較晚岫邊紅
日初斜陌上花飛正滿淒涼數聲羌管怨春短玉人
應在明月樓中畫眉懶鸞牋錦字多時魚雁斷恨隨去
水東流事與行雲共遠羅衾衣舊香猶煖

呂聖求

分釵綰髻洞府難分手離腸短曲啼痕水舞袖馬嘶霜
滑橋橫路轉人依古柳曉色漸分星斗怎分割心兒
一似傾入離愁萬千斗垂鞭佇立傷心還病酒十年夢
裏嬋娟二月花梢豈覺春風為誰依舊

梅

邵叔齊

蘭摧蕙折霜重曉風惡長安何處孤根漫自託水寒斷
續溪橋月破黃昏院落相逢儼然瘦削最蕭索星星
蓬鬢杳杳家山路正邈攀枝嗅蕊露陪清淚閣已無蝶

使蜂媒不共鶯期燕約耳心伴人淡薄

趙介之

清和時候薰風來小院琅玕脫籜方塘荷翠颭柳絲輕
度流鶯盡棟低飛乳燕園林綠陰初遍 景何限輕紗
細葛綸巾和羽扇披襟散髮心清塵不染一杯洗滌無
餘萬事銷磨去遠浮名薄利休羨

曹元寵

人生一世思量爭甚底花開十日已隨塵共水且看欲

盡花枝未厭傷多酒盞何須細推物理 幸容易有人
爭奈只知名與利朝朝日日忙忙劫劫地待得一餉閒
時又却三春過了何如對花沉醉

快活年近拍

万俟雅言

千秋萬歲君五帝三王世觀風重令節與民樂盛際藥
宮長春洞天不老花艷蟾輝十里照春珠翠 闌羅綺
遙望太極一簇通明裏鈎臺奏壽蓬山逞妙戲六宮人
來五雲樓迥風送歌聲依約睿思新製

四園竹

周美成

浮雲護月未放滿朱扉
鼠搖暗壁螢度破窗偷入書帟
秋意濃間竚立庭柯影裏好風襟袖先知
夜何其江南路遠重山心知漫與前期奈何
燈前墮淚腸斷蕭娘舊日書辭猶在紙
鴈信絕清宵夢又稀

側犯

周美成

暮霞霽雨小蓮出水紅妝靚
風定看步襪江妃照明鏡
飛螢度暗草秉燭遊花徑
人靜携艷質追涼就槐影

金環皓腕雪藕清泉瑩誰念省滿身香猶是舊荀令見
說佳人酒壚寂靜煙鎖漠漠藻池苔井

相思會

人無百年人剛作千年調待把門關鐵鑄鬼見失笑多愁
早老惹盡閒煩惱我惺也枉勞心漫計較 麝衣淡飯
羸取煖和飽住箇宅兒只要不大不小常教潔淨不種
閒花草據見定樂平生便是神仙了

鳳樓春

歐陽炯

鳳髻綠雲叢深掩房櫳錦書通
夢中相見覺來慵勻面
淚臉珠融因想玉郎何處去
對淑景誰同小樓中春
思無窮倚欄顚望閣牽愁緒
柳花飛起東風斜日照簾
櫳羅幌香冷粉屏空海棠零
落鶯語殘紅

御街行

范希文

紛紛墜葉飄香砌夜寂靜寒聲碎
真珠簾捲玉樓空天
淡銀河垂地年年今夜月華如練
長是人千里愁腸
已斷無由醉酒未到先成淚
殘燈明滅枕頭歌謠盡孤

眠滋味都來此事眉間心上無計相迴避

張子野

天非花艷輕非霧來夜半天明去來如春夢不多時去
似朝雲無覓處乳雞棲燕落月沉星統統城頭鼓 參
差漸辨西池樹朱閣斜開戶綠苔深徑少人行苔上屐
痕無數殘香餘粉閑衾刺枕天把多情付

二

畫船橫倚煙溪半春入吳山遍主人憑客且遲留程入

花溪還遠數聲蘆葉兩行霓袖幾處成離宴
紛紛歸騎亭皋晚風順檣烏轉古今為別最銷魂
因別有情須怨高臺獨上不堪凝望目與飛雲斷

梅苑

平生有箇風流願願長與梅為伴問伊因甚破寒來只
恐百花先綻比蘭比麝比酥比玉休恁閒撩亂
瑤臺月下分明見依舊殘妝淺不知分得幾多香
一片清如一片直須遮斷恐人眼毒不解輕輕看

聖壽

柳耆卿

燔柴煙斷星河曙寶輦回天步端門羽衛簇雕欄六樂
舜韶先舉鶴書飛下雞竿高聳恩露均寰寓赤霜袍
爛飄香霧喜色成春煦九儀三事仰天顏八彩旋生眉
宇椿齡無盡羅圖有慶常作乾坤主

相思

前時小飲春庭院悔放笙歌散歸來中夜酒醺醺惹起
舊愁無限雖看墜樓換馬爭奈不是鴛牋伴朦朧

暗想如花面欲夢還驚斷和衣擁被不成眠一枕萬回
千轉惟有畫梁新來雙燕徹曙聞長嘆

前調

晏叔原

年光正似花梢露彈指春還暮翠眉仙子望歸來倚
遍玉城珠樹豈知別後好風良月往事無尋處狂情
錯向紅塵住忘了瑤臺路碧桃花藥已應開欲伴彩
雲飛去回思十載朱顏青髮枉被浮名誤

古今詞話

霜風漸緊寒侵被聽孤鴈聲嘹唳一聲聲送一聲悲雲
淡碧天如水披衣起告鴈兒畧住聽我些兒事塔兒
南畔城兒裏第三箇橋兒外瀕河西岸小紅樓門外梧
桐彫砌請教且與低聲飛過那裏有人人無寐

詠轎

高觀

藤筠巧織花紋細稱穩步如流水踏青陌上雨初晴嫌
怕濕文鴛隻履要人送上連花即住纔過處香風起
裙兒掛在簾兒裏更不把窓兒閉紅紅白白簇花枝

恰稱得尋春芳意歸來時晚紗籠引道扶下人微醉

前調

韓師厚

合和朱粉十餘兩捻箇觀音樣大都却似五三分少一副玲瓏五臟等人合眼來人眼底終夜空勞攘香魂媚魄知何往料只在船兒上無言倚定馬門兒獨對滔滔雪浪若將愁淚還做水笑幾個黃天蕩

岐陽郵亭

洛陽女郎

一身萍梗隨郵傳恨歸路如天遠近來魂夢也踈人不

似舊時長見剩衾餘枕冷清清地空恁閒一半

闕

一叢花

張先

永叔集有

傷春懷遠幾時窮無物似情濃離愁正恁牽絲亂更南
陌飛絮濛濛嘶騎漸遙征塵不斷何處認郎蹤雙鴛
池沼水溶溶南北小橋通梯橫畫閣黃昏後又還是新
月簾櫳沉恨細思不如桃李還解嫁春風

少游

年來今夜見師師雙頰酒紅滋踈簾半捲微燈外露華

上煙裊涼颺簪髻亂拋人不起彈淚唱新詞佳期
誰料久參差愁緒暗縈絲相應妙舞清歌罷又還對秋
色嗟咨惟有畫樓當時明月兩處照相思

趙德麟送洞庭春色

晁無咎

古今詞話

王孫眉宇鳳凰雛元與世情疎揚州坐下瓊花底佩錦
囊曾從奚奴金盞倒揮滿身花影紅袖競來扶十年
一夢訪吾居離缺重踟躕應怜肺病臨邛客寄洞庭春
色雙壺天氣未佳梅花政好曾醉燕堂無

前調

程正伯

傷春時候一憑欄
何況別離難
東風只解催人去
也不道鶯老花殘
青牋未約紅綃
忍淚無計鎖征鞍
寶釵瑤鈿一時閒
此恨苦天慳
如今直恁拋人去
也不念人瘦衣寬
歸來忍見重樓淡月
依舊五更寒

陸務觀

樽前凝佇漫魂迷
猶恨負幽期
從來不慣傷春淚
為伊後滴滿羅衣
那堪更是吹簫池館
青子綠陰時
回廊

簾影畫參差偏共睡相宜朝雲夢斷知何處倩雙燕說
與相思從今判了十分憔悴圖要箇人知

望遠行

雅詞

當時雲雨夢不負楚王期翠峯中高樓十二掩瑤扉儘
人間歡會只有兩心自知漸玉困花柔香汗揮歌聲
翻別怨雲馭欲回時這無情紅日何似且休西但涓涓
珠淚滴濕仙郎羽衣怎忍見雙鴛相背飛

過澗歇

夏景

柳耆卿

淮楚曠望極千里火雲燒空盡日西郊無雨壓行旅數
幅輕帆旋落艤棹兼葭浦避畏景兩兩舟人夜深語
此際爭可便恁奔利名九衢塵裏衣冠冒炎暑回首
江鄉月觀風亭水邊石上幸有散髮披襟處

恨別

酒醒夢纔覺小閣香灰成燼洞戶銀蟾移影人寂靜夜
永清寒翠瓦霜凝疎簾風動漏聲隱隱飄來轉愁聽
怎向心緒近日厭厭長似病鳳樓咫尺佳期宵無定展

轉無眠。粲枕冰冷香虬烟斷。是誰與把重衾整。

陽關引

離別

冠平仲

塞草烟光潤渭水波聲咽。春朝雨霽輕塵斂。征鞍發指
青青楊柳。又是輕攀折。動黯黯。知有後會甚時節。更
盡一杯酒。歌一闋。歎人生裏難歡聚。易離別。且莫辭沉
醉。聽取陽關徹。念故人千里自此共明月。

耳州令

雪詠

柳耆卿

凍雲深。淑氣淺。寒欺綠野輕雪伴。早梅飄謝。艷陽天正

明媚却成瀟洒玉人歌盡樓酒對此景驟增高價賣
花巷陌放燈臺榭好時代怎生輕捨賴和風蕩霽靄廓
清良夜玉塵鋪桂莖滿素光裏更堪遊冶

孤鴈兒

程正伯

在家不覺窮冬好向客裏方知道故園梅子正開時記
得清樽頻倒高燒紅蠟煖薰羅幌一任花枝惱如今
客裏傷懷抱忍雙鬢隨花老小窗獨自對黃昏只有月
華飛到假饒真箇鴈書頻寄何似歸來早

二

雙鬟乍綰橫波溜記當日香心透誰教容易逐雞飛輸
却春風先手天公元也管人憔悴放出花枝瘦幾宵
和月來相就問何事春山闕祗應深院鎖嬋娟枉却嬌
花時候何時為我小梯橫閣試約黃昏後

李易安

藤牀紙帳朝眠起說不盡無佳思沉香烟斷玉爐寒伴
我情懷如水笛聲三弄梅心驚破多少春情意小風

疎雨瀟瀟地又催下千行淚吹簫人去玉樓空腸斷與誰同倚一枝折得人間天上沒箇人堪寄

夢還京

柳耆卿

夜來匆匆飲散歌枕背燈睡酒力全輕醉魂易醒風揭簾櫳夢斷披衣重起悄無寐追悔當初繡閣話別太容易日許時猶阻歸計甚況味旅館虛度殘歲想嬌媚那裏獨守鴛幃靜永漏迢迢也應暗同此意

小鎮西

感別

意中有箇人芳顏二八天然俏自來奸黠最奇絕是笑
時媚靨深深百態千嬌再三偎著再三香滑 久離缺
夜來魂夢裏尤花殢雪分明似舊家時節正歡悅被雞
聲喚起一場寂寞無眠向曉空有半窗殘月

憶黃梅

王逐客

枝上葉兒未展已有墜紅千片春意怎生防怎不怨被
我安排矮牙牀斗帳和嬌艷移在花叢裏面 請君
看惹清香偎媚暖愛香愛暖金杯滿問春怎管大家

併便做東風總吹交零亂猶骨自輸我鴛鴦一半

金人捧露盤

春晚感舊

曾純甫

記神京繁華地舊遊踪正御溝春水溶溶平康巷陌繡
鞍金勒躍青驄解衣沽酒醉絃管柳綠花紅到如今
餘霜鬢嗟前事夢魂中但寒烟滿目飛蓬雕欄玉砌
空餘三十六離宮塞笳驚起暮天鴈寂寞東風

賀方回

控滄江排青嶂燕臺涼駐綵仗樂未渠央巖花磴蔓如

千門珠翠倚新粧
舞閒歌悄恨流風
不管餘香繁華
夢驚俄頃佳麗地
情蒼茫寄一笑
何與興亡量
船載酒
賴使君相對兩胡牀
緩調清管更為儂
三弄斜陽

錢塘

羅壺秋

濕苔青妖血
碧壞垣紅怕
精靈來往相逢
荒烟瓦礫實
釵零亂隱鸞
龍吳峯越巘
翠眉鎖苦為誰容
浮屠
換朝陽殿僧磬
改景陽鐘興亡事
淚老金銅驪山廢盡
更無宮女說
玄宗角聲起處
海濤落滿眼
秋風

紅林擒近冬雪

周美成

高柳春纔軟凍梅寒更香暮雪助清峭玉塵散林塘那
堪飄風遞冷故遣度幕穿窗似欲料理新粧呵手弄絲
簧冷落詞賦客蕭索水雲鄉援毫授簡風流猶憶東
梁望虛簷徐轉迴廊未掃夜長莫惜空酒觴

冬初

萬俟雅言

風雪驚初霽水鄉增暮寒樹杪墮毛羽簷牙掛琅玕纔
喜堆門積巷可惜迤邐銷殘漸看低竹翩翻清池漲微

瀾 步履晴正好宴席晚方歡梅花耐冷亭亭來入水
盤對山前橫素愁雲變色放杯同覓高處看

望雲涯引

李景元

秋容江上岸花老蘋洲白露濕蒹葭浦嶼漸增寒色閒
漁唱晚驚鴈驚飛處映遠磧數點輕帆送天際歸客
鳳臺人散漫回首沉消息素鯉無憑樓上暮雲凝碧時
向西風下認遠笛宋玉悲懷未信金樽消得

山亭柳

晏同叔

家住西秦賭博藝隨身花柳上關尖新偶學念奴聲調
有時高遏行雲蜀錦纏頭無數不負辛勤數年來往
咸京道殘杯冷炙漫銷魂衷腸事託何人若有知音見
采不辭遍唱陽春一曲當筵淚落重掩羅巾

杜壽域

曉來風雨萬花飄落嘆韶光虛過却芳草萋萋映樓臺
淡烟漠漠紛紛絮飛院宇燕子過來閣玉容淡妝添
寂寞檀郎孤願太情薄數歸期絕信約暗添春宵恨平

康忞迷歡樂時時悶飲綠醕甚轉轉思量着

上西平

惜春

程正伯

愛春歸憂春去為春忙旋點檢雨障雲妨遮紅護綠翠
幃羅幙任高張海棠明月杏花天更惜濃芳喚鶯吟
招蝶拍迎柳舞倩桃妝盡呼起萬籟笙簧一觴一咏儘
教陶寫繡心腸笑他人世漫嬉游擁翠偎香

觀雪

辛幼安

九衢中杯逐馬帶隨車問誰解愛惜瓊華何如竹外靜

聽窸窣蟹行沙自憐是海山頭種玉人家 紛如鬪嬌
如舞繞整整又斜斜要圖畫還我漁蓑凍吟應笑羔兒
無分漫煎茶起來極日向彌茫數盡歸鴉

前調

韓東浦

折腰勞彈冠望縱飛蓬笑造化相戲窮通風帆浪槳暮
城寒角曉樓鐘暗惜霜雪鬢邊來驚對青銅 蕭閒
好何時遂門橫水逕穿松有無限杯月襟風區畫箇甚
帝堯堂下足變龍不如聞早問溪山高養吾慵

上平南

劉昂


歸潛志

蕞鋒搖螳臂展舊盟寒恃洞庭彭蠡狂瀾天兵小試萬
蹄一飲楚江乾捷書飛上九重天春滿長安舜明文
周禮樂唐日月漢衣冠洗五川煙瘴江山全蜀下也劍

閣何用一泥丸有人傳喜日邊來都護先還

歸潛志云昂字濟霄

南人有才譽以先有劉昂之昂故號小劉之昂秦和南
征作樂章一闕上平西為時所傳齊東楚語云開禧
用兵金人元帥統石烈子仁領兵濠梁大書一詞
於濠之倖廳壁間詞名上平南即上西平之調云



花草粹編卷十五